



COMUNU DE CUARTU S. ALENI

**Progetu finantziau cun su dinai de sa Regione Autònoma de Sardigna cunformas a sa L. 482/99 e a sa L.R. 22/2018.**

## **A SU CUNVENTU DE IS FRADES CAPUCINOS UNA MUSTRA MULTIMEDIALE SUBRA DE SU NURAGHE DIANA**

Sa Sardigna est sa prima regione in Itàlia pro nùmeru de sitos archeològicos: bene 54 subra de is 206 àreas prus 81 parques archeològicos tzensidos in totu Itàlia, chi eciuvalet a su 18,4% de su totale complessivu. Unu primadu importante chi est su resurtadu de unu passadu ancora pagu connotu e chi pro custu mèritat atenzione assoluta e una valorizatzione adeguada. In tale òtica sunt medas is progetos in àutu, fintzas in crae multimediale, cun protzessos de digitalizatzione in manera piessigna interessantes.

Subra de su litorale de Quartu, in localidade Is Mortorius, ispicat maestosu su Nuraghe Diana, incraradu subra de su mare e testimonia de is capatzidades de su pòpulu nuràgicu de dialogare cun is àteras tziviltades. Unu giassu de interessu rilevante chi mèritat s'atenzione de su grandu pùblicu. S'Amministrazione comunale est traballende in tale òtica, fintzas cun s'organizatzione in su giassu de eventos e ispetàculos, cuntzertos e cunferèntzias, chi ant acumpangiadu is istajones istiales e autunnali cobrende un'òtima resessida de pùblicu.

Ulteriora visibilitade si cheret dare cun s'allementu multimediale in su situ archeològicu curadu dae sa Digital Day Events in collaboratzione cun s'archeòloga Patrizia Zuncheddu, chi at a èssere inauguradu su 29 nadale a is 18.30, acanta s'ex Cunventu de is Frades Capucinos de bia Brigada Sassari. Tràmite duos modellos in iscala 1:50 de su situ archeològicu, at a èssere possibile bìdere su rilievu de su situ archeològicu e sa ricostruzione virtuale de comente fiat in su periodu de màssimu lugore, overas 3500 annos a oe. In mostra fintzas foto inèditas de is iscavos e de is pannellos cun imàgines de su progetu de iscavu. In s'occasione est prevididu fintzas unu cuntzertu jazz, cun Marco Argiolas a su clarinetu e Alessandro Atzori a su contrabbassu.